

Meshë për Kryepiskopin në Gjirokastër/ Besimtarët i japin lamtumirën e fundit



Trupi i pajetë i Kryepiskopit të Shqipërisë, Anastas, mbërriti sot në vendin tonë.

Arkëmorti u nis dje nga Katedralja e Athinës, dhe hyri në territorin shqiptar përmes pikës së kalimit kufitar të Kakavijës rreth orës 08:30.

Arkëmorti me trupin e pajetë të Kryepiskopit Anastas u prit nga qindra besimtarë ortodoksë me lule në duar dhe kurora me dafina.

Gjatë rrugës kortezi me arkëmortin e Kryepiskopit Anastas bëri ndalesa në zonat ku ai shërbeu dhe punoi për rindërtimin e Kishës Autoqefale Shqiptare.

Besimtarët e shoqëruan kortezhin drejt Katedrales Ortodokse “Ngjallja e Krishtit” në Gjirokastër, ku klerikët ortodoksë mbajtën meshë për nder të Kryepiskopit Anastas. Për më shumë se një orë qytetarë të shumtë të Gjirokastrës dhe të zonave përreth kryen homazhe dhe lutje për shpirtin e kryepiskopit në katedralen e Gjirokastrës.


Shoqërues të kortezhit janë 4 klerikë shqiptarë, mitropoliti i Apolonisë dhe Fierit, Nikolla, peshkopi i Krujës Anastas dhe priftërinjtë Harallamb Gjoka e Spirodhon

Topanxha, bashkëpunëtorë të ngushtë të tij në ringritjen e Kishës Ortodokse Autoqefale të Shqipërisë. Përfaqësues i Kishës së Greqisë, do të jetë nënkryetari i Sinodit të Shenjtë, Mitropoliti i Nafpaktos dhe Shën Vlashit Vlasios Jerotheos.


Në Tiranë trupi i pajetë pritet të mbërrijë sot rreth orës 16:00, ku do të zhvillohen homazhe për dy ditë ndërsa të enjten në orën 11:00 do të kryhet ceremonia mortore për Hirësinë e tij Anastas.

Mediat greke shkruajnë se Kryeministri Kyriakos Mitsotakis do të jetë në Tiranë të enjten për të marrë pjesë në funeralin për Kryepiskopin e ndjerë Anastas Janullatos.

Pas vdekjes së Kryepiskopit Anastas Janullatos, Kisha Ortodokse Autoqefale e Shqipërisë shpalli zi kishtarë për pesë ditë, nga 25 janari deri më 29 janar.



????? ???? ?? ?????????? ??? Instagram.



??? ???????????????? ??? ?? ??????? CNA.al (@

cna.al